

53

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1988

T9297.1100 B



玉海卷第六十二

浚儀王應麟伯厚甫

藝文

論

鄭康成曰論者綸也可以經綸世務劉熙曰論倫也
也有倫理也劉勰曰聖哲彛訓曰經述經叙理曰
論陳政則與議說合契釋經則與傳注參體辯史
則與贊評齊行銓文則與叙引共紀彌綸群言而
研精一理者也

漢素王妙論

哈佛大學漢和
圖書館珍藏印

史記越世家注太史公素王妙論云范蠡本南陽人正義二卷七略云司馬遷撰隋志五行類梁有太

史公素王妙議二卷太平御覽太史公素王妙論

曰諸稱富者非貴其身得志也乃貴恩覆子孫澤及

鄉里也黃帝設五法布之天下用之無窮蓋世有能

知者莫不尊親如范子可謂曉之矣管子設輕重九

府行伊尹之術則桓公以霸范蠡行十術之計二十

一年之間三致千萬再散與貧太史公自序司馬

談習道論於黃子論六家之要指陰陽儒墨名法道

德文中子謂史談善述九流

論

漢鹽鐵論

藝文志儒家桓寬鹽鐵論六十篇本議第一曰惟始元六年有詔使丞

相御史與所舉賢良文學問民疾苦注師古曰寬字次公汝南人也孝

昭帝時丞相御史與諸賢良文學論鹽鐵事寬撰次

之昭紀始元六年二月詔有司問郡國所舉賢良

文學民所疾苦議罷鹽鐵權酤秋七月罷權酤官贖

光知時務之要輕徭薄賦與民休息至始元元鳳之

間匈奴和親百姓充實舉賢良文學問民所苦議鹽

鐵而罷權酤中興書目云雜論致理之言崇本抑末之書也食貨志昭帝

即位六年詔郡國舉賢良文學之士問以民所疾苦

教化之要皆對願罷鹽鐵酒權均輸官毋與天下爭利視以儉約然後教化可興弘羊難以此國家大業所以制四夷安邊足用之本不可廢也迺與丞相千

秋共奏罷酒酤

取卞篇曰公卿愀然遂罷議奏且罷郡國權酤關內鐵官奏可

杜延年傳舉賢良議罷酒酤鹽鐵皆自延年發之

車千秋傳始元六年詔郡國舉賢良文學之士問以

民所疾苦於是鹽鐵之議興焉

注師古曰議罷鹽鐵之官百姓皆得煮鹽

鐵錢因總論贊曰所謂鹽鐵議者起始元中徵文學

賢良問以治亂皆對願罷郡國鹽鐵酒權均輸務本

抑末毋與天下爭利然後教化可興御史大夫弘羊

論

以為不可廢當時相詰難頗有其議文至宣帝時汝南桓寬次公治公羊春秋舉為郎至廬江太守丞博

通善屬文推行鹽鐵之議增廣條目極其論難著數

萬言亦欲以究治亂成一家之法焉

師古曰即今之所行鹽鐵論十

卷是也

其辭曰觀公卿賢良文學之議異乎吾所聞聞汝南朱生

子言當世之時英俊並進賢良茂陵唐生文學魯國萬生之徒六十有餘人咸聚闕庭舒六藝

之風陳治平之原知者贊其慮仁者明其施勇者見

其斷辯者聘其辭斷斷焉行行焉雖未詳備斯可略

觀矣中山劉子推

論作劉子推

言王道矯當世反諸正彬

彬然宏博君子也九江祝生奮史魚之節發憤蒞譏
公卿桑大夫據當世合時變上權利之略雖非正法
鉅儒宿學不能自解車丞相履伊呂之列當軸處中
括囊不言容身而去若夫丞相御史兩府之士不能
正議以輔宰相阿意苟容以說其上隋志儒家鹽
鐵論十卷漢廬江府丞桓寬撰唐志崇文目中
與書目卷同
鹽鐵論六十篇卷一本議力耕通有錯幣禁耕復古
卷二非鞅晁錯刺權刺復論儒憂邊卷三園池輕重
未通卷四地廣貧富毀學褒賢卷五相刺殊路頌賢
遵道論誹孝養刺議利議國疾卷六散不足救匱鹽

論

鐵箴石除狹疾貪後刑授時水旱卷七崇禮備胡執
務能言鹽鐵取下擊之卷八結和誅秦伐功西域世
務和親卷九繇役險固論勇論功論鄒論蓄卷十刑
德申韓周秦諸聖大論雜論凡六十篇後百官志注
史記荆軻傳
注引漢
鹽鐵論

漢桓譚新論

桓譚傳譚博學多通編習五經尤好古學從劉歆揚
雄辨析疑異著書言當世行事二十九篇號曰新論
上書獻之世祖善焉琴道一篇未成肅宗使班固續
成之注新論一曰本造二王霸三求輔四言體五見

徵六譴非七啓寤八祛蔽九正經十識通十一離事
 十二道賦十三辨惑十四述策十五閔友十六琴道
 本造述策閔友琴道各一篇餘並有上下東觀記曰
 光武讀之敕書卷大今皆別為上下凡二十九篇東
 觀記曰琴道未畢但有發首一章 **唐志**儒家桓子
 新論十七卷 隋志同梁有集五卷 高帝紀陳平祕計注師古
 曰應劭之說出新論 夏侯湛亦有新論十卷並在
 儒家華譚新論十卷 吳顧譚著新言二十篇薛瑩
 著書八篇名曰新議 賈誼新書陸賈新語劉向新
 序裴元新言

論

漢王命論

叙傳班彪著王命論言高祖之興有五一曰帝堯之
 苗裔二曰體貌多奇異三曰神武有徵應四曰寬明
 而仁恕五曰知人善任 唐志彪集三卷 傳幹王命叙言世
 祖之興有四曰帝皇之正統形相多異表體文而知
 武履信而好士 文選注引傳幹王命論

漢沛王通論 演經雜論

沛獻王輔傳輔嚴有法度好經書善說京氏易孝經
 論語傳及圖讖作五經論時號之曰沛王通論 **曹**
 褒傳作通義十二篇演經雜論百二十篇又傳禮記

萬曆十七年

三十五卷之二

五

監生黃汝極

四十九篇慶氏學遂行於世

漢論衡

六儒論

王充傳字仲任會稽上虞人好論說始若詭異終有理實以為俗儒守文多失其真乃閉目潛思絕慶吊之禮戶牖牆壁各置刀筆著論衡八十五篇二十餘萬言釋物類同異正時俗嫌疑充造養性書十六篇注袁山松書充聰明入太學觀天子臨辟雍作六儒論文充作論衡中上未有傳者蔡邕入吳始得之常祕玩以為談助其後王朗為會稽太守又得其書乃還許下時人稱其才進或曰不見異人當得異書問之

是以論衡之益由是遠見傳焉抱朴子曰時人疑

豈得異書或搜求其帳中隱處果得論衡數卷持

豈一寧之曰唯我與爾共之勿廣也唐志雜家王

充論衡三十卷隋志二十九卷今本亦三十一卷八

韓愈三賢贊閉門潛思論衡以修崇文目有續

論衡二十卷當致

漢潛夫論

王符傳字節信自和安之後世務游官當塗者更相

意為引而符耿介不同於俗以此遂不得升進志意益

憤乃隱居著書三十餘篇以譏當時得失不欲章顯

其志或號曰看夫論其指計時短討擿...是以觀
書時風政著其五篇云爾言忠篇浮侈為害言為愛日
篇述赦篇言志儒家王符潛夫論十卷言志明
善念三賢贊述赦之篇其旨甚明

漢六藝論

齊志論六藝論一志鄭玄撰...
漢樂冠論

趙汝傳延熹九年應胡廣...
會堂堂事...
注宋錄注

綱維不攝閣官專權岐擬前代連珠之書四十章上
之留中不出

漢政論

崔寔傳字子真少沉靜好典籍桓帝初詔公卿郡國
舉至孝獨行之士寔以郡舉詣公車病不能策除為
郎通監元嘉元年十一月明於政體吏才有餘論當世便事數
十條名曰政論指切時要言辨而確當世稱之仲長

統曰凡為人主宜寫一通置之坐側其辭曰漢興以
來三百五十餘歲矣政令垢翫上下怠懈風俗彫弊
人庶巧偽咸復思中興之救矣且濟時拯世之術豈

必體堯蹈舜然後乃理哉期於補綻决壞枝柱邪傾
隨形裁割要措斯世於安寧之域而已故聖人執權
遭時定制步驟之差各有云設不強人以不能皆急
切而慕所聞也昔孔子對葉公以來遠哀公以臨人
景公以節禮非其不同所急異務也今縱不能純法
八世固宜參以霸政嚴之則理寬之則亂宣帝嚴刑
峻法海內清肅元帝多行寬政為基禍之主文帝以
嚴致平非以寬致平也當大定其本使人主師五帝
而式三王弃苟全之政蹈稽古之蹤復五等之爵立
井田之制然後選稷契為佐伊呂為輔云云
論曰雖

論

晁錯之徒不能過也賈曰崔為文宗世禪雕龍子真

持論感起昏俗唐志法家崔氏政論六卷隋志同

梁有五原太守崔寔集二卷錄一卷
舊唐氏崔氏正論五卷崔寔撰司馬公曰定

論以矯一時之枉非百世之通義

隋唐志法家魏劉廙阮武政論各五卷隋志阮雜家

陸澄述政論十三卷選注引阮子政論
又引崔寔本論

漢仲長統昌言

仲長統傳字公理建安中統為尚書郎參丞相操軍

事通監十年每論說古今及時俗行事常發憤歎息因

著論名曰昌言凡三十四篇十餘萬言繆襲稱統才

章足繼西京董賈劉揚今簡撮其書有益於政者略載云理亂篇損益篇法誠篇

隋志雜家仲長子昌言十二卷錄一卷漢仲長統撰唐志儒家十卷崇文目二卷魏志注

云二十四篇中興書目今存十六篇餘皆缺八卷雜家

文選注引仲長子昌言

漢申鑒

荀悅傳建安中遷秘書監侍中通監志在獻曆而謀無所用乃作申鑒五篇其所論辨通見政體既成奏之其畧曰道之本仁義而已五典以經之群籍以緯之前鑒既明後復申之為政之術先屏四患乃崇五

論

政養生正俗章化秉威統法又著宗德正論及諸論

數十篇其自著漢記嘗載其畧范曄篇首數隋

志儒家五卷唐志中興書目今所載政體時事俗

嫌雜言上下凡五卷本傳止載政體篇

漢德論

劉毅傳封平望侯北海敬少以文辨稱元初元年上

漢德論并憲論十六篇二篇云劉珍馬融共上書稱

其美安帝嘉之拜議郎賜錢百萬文選演連珠注

班固功德論曰朱軒之使鳳舉於龍堆之表曹植

有魏德論文選注

三才卷六十二

正德三年... 漢四子講德論

見詩類

漢明世論

杜篤傳著明世論十五篇 文選魏都賦注引杜篤

通邊論

漢辨和同論 崇厚論

劉梁傳字曼山常疾世多利交以邪曲相黨乃著破

群論時之覽者以為仲尼作春秋亂臣知懼又著辨

和同論云云隋志劉梁朱穆傳字公叔感時澆薄

作崇厚論云云注穆著論甚美蔡邕嘗至其家自寫

之穆集

晉劉寔崇讓論

漢七曜論

劉陶傳字子奇拜諫議大夫著書數十萬言作七曜

論正老子反韓非復孟軻隋志陶集三卷

後漢文武釋論

舊唐志雜史後漢文武釋論二十卷 王越客撰

魏聖證論 晉禮樂聖真論

王肅傳肅善賈馬之學而不好鄭氏來會同異為尚

書詩論語三禮左氏解撰定父朗易傳皆列學官特

樂安孫叔然授學鄭玄之門人肅集聖證論以譏

正德二年南川... 卷六十二

短玄寂然駁而釋之及作周易春秋例毛詩禮記春秋三傳國語爾雅諸注又著書十餘篇
隋志聖證論十二卷鄭玄
唐志經解類十一卷通典又有王肅政論十卷殷興續正論十卷隋元澹曰王肅規鄭玄數千百條鄭學馬昭詆劾肅短詔遣博士張融按經問詰融推處是非而肅酬對疲於歲時禮記正義案聖證論王肅難鄭馬昭申鄭云張融謹案郊與圓丘是一為鄭學者馬昭等通之晉皇甫謐傳號玄晏先生著禮樂聖真之論

魏中論

徐幹傳字偉長北海人病辭人工麗美之文乃著中論二十篇闡宏大義以示學者其書雜論治道脩身學問之要旁及歷象壽夭之說注魏文帝書曰偉長懷文抱質恬淡寡欲有箕山之志著中論二十餘篇辭義典雅足傳于後文選注隋志儒家徐氏中論六卷魏大子文學徐幹撰梁目一卷唐曾鞏目錄序正觀政要太宗稱嘗見幹中論復三年喪篇而今書此篇缺攷之魏志稱二十餘篇世所有者非全書也幹能考六藝推仲尼孟軻之旨述而論之求其辭時有小失要其歸不合於道者少矣其所得於內

者又能信而克之有去就顯晦之大節因其書以求其為人又知其行之可賢也李獻民云別本有復三年制役二篇畢持不見
爾中興書目十卷今本二十篇分上下兩卷上秩治學法象脩本虛道貴驗貴言藝紀覆辨智行爵祿下秩考偽譴交曆象別天壽說藝審大臣謹所從亡國賞罰民數

魏典論

隋志典論五卷魏文帝撰

魏陳思王征蜀論

春秋正義陳思王征蜀論云下礪成雷榛殘木碎

論

魏德論

文選王元長序注曹植魏德論曰越八九於往素踵黃帝之靈矩

魏萬機論

蔣濟傳字子通上萬機論文帝善之隋志雜家八

卷唐志對卷書目蔣子萬機論十卷凡五十五篇

雜論立政用人兵家之說及考論前賢故事雜問

志注萬機論

唐志雜家陸澄述正論十三卷隋志述晉楊偉撰時

務論十二卷隋志同

正德二年... 魏體論 篤論

杜恕傳著體論八篇隋志四又著興性論一篇與於為己也 唐志雜家杜恕篤論四卷鍾會蔣亮論五

卷隋志

劉劭樂論見人物志 唐志法家劉氏邵法論十卷

隋志梁有之 桓範世要論十卷 梁有之 桓範世要論十

宋朝邵元體論十卷論王體者三教體者四兵體者

五政體者十三凡二十五篇

魏要論

隋志儒家梁有周生子要論一卷錄一卷魏侍中周

生烈撰袁子正論十九卷袁準撰梁又有袁子正書 二十五卷

魏曹羲作至公論王蔚善之而著至機論辭義甚美

唐志法家陳子要言十四卷陳融 隋志云 吳豫章太守

任子道論

隋志道家任子道論十卷舊唐魏任嘏撰梁有養生

論三卷秘康撰

晉阮籍著達莊論 王坦之著廢莊論坦之非時俗

教頗尚刑名 著廢莊論 孔嚴著通葛論坦之贊美之

九州人士論

嘉清... 卷之三

舊唐志名家九州人士論一卷盧毓撰

晉五等論

陸機傳以聖王經國義在封建著五等論又作辨亡論二篇魏曹景宗室字元首作六代論

晉安邊論 徙戎論

杜預傳拜度支尚書建安邊論處軍國之要江統

傳時關隴屢為氐羌所擾統深懼四夷亂華宜杜其

萌作徙戎論一本云元康九年正月太子洗馬江統云云伏滔傳後桓

溫伐袁真至壽陽咸安元年著論二篇名曰正淮上篇曰

自戰國至晉中興六百餘年保淮南者九姓稱兵者

十一人皆亡不旋踵壽陽東連三吳之富南引荆汝

之利北接梁宋平塗不過七百西接陳許水陸不出

千里龍泉之陂良疇萬頃舒六之貢利盡蠶城其俗

尚氣其人習戰先王之宰天下選於有德訪於三吏

正分位明等級畫封疆宣政令宋何承天上安邊

論陳四事

晉五行三統論

索靖傳作五行三統正驗論辨理陰陽氣運隋志

梁有三統五德論曹思文撰

晉翰林論

嘉靖丙辰年

五經卷六十二

一

監主卷五

隋志摠集翰林論三卷晉著作郎李充撰梁五十四卷唐志

文史類中興書目凡二十八篇論為文體要文選注初學記

引翰文心彫龍魏文述典陳思序書應瑒文論陸

機文賦仲冶流別弘範翰林又云翰林博而寡要

晉竹林七賢論

唐志傳記類戴逵竹林七賢論二卷孟仲暉七賢傳

七卷

晉公謙論

王坦之傳與殷康子書論公謙之義曰公道體於自然故理泰而愈降謙義生於不足故時弊而義著康

于及袁宏並有

軍摘句一

韓伯傳坦之

宏作論難之作辨議

以折中曰愆忿室欲著於損象卑以自牧實繁謙文皆所以存其所不足拂其所有餘

晉新論 物理論

隋志新論十卷散騎常侍夏侯湛撰梁有揚子物理

論十六卷徵士楊泉撰文選注

隋興衰要論

文中子之父王隆以博士待詔雲龍門承詔

著興衰要論七篇每奏帝稱善王道篇曰其言六代

得失明矣

唐帝王畧論

志雜家虞世南五卷

崇文雜史類

中興書目貞觀

問太子中舍人世南承詔撰起太昊訖于隋尼帝王
事迹皆畧紀載假公子答問以攷訂云

唐封建論

會要貞觀二年十一月十六日太宗問子孫長久之道

蕭瑀對以封建上然之始議封建禮部侍郎李百藥

論曰云云乃欽明昏亂自係安危非守宰公侯以成

興廢一唐宗室傳帝與名臣蕭瑀喟然講封建事而

魏徵李百藥皆謂不然天子由是罷不復議

劉秩

政典文皇惠侔前古下無山甫將明之才乃聽百藥

編昧之說百藥不詳秦漢晉宋齊隋得失之異謂不

足法復忽淳于賈曹劉陸成敗之說委之天命天之

所命人事而已弃人事捨天理滅聖智任存亡也

柳宗元有封建論

唐聖德論

通鑑貞觀六年閏七月戊辰祕書少監虞世南上聖

德論上手詔稱卿論太高朕何敢擬上古但比近世

差勝耳續錄上八月

武德九年四月給事中歐陽詢上帝德論

唐列藩正論 正論 忠孝論 十代興

亡論 析滯論

志儒家武后列藩正論三十卷雜傳記類云諸光義

正論十五卷開元進士法家李敬玄正論三卷儒家

又有袁子正論二十卷詩靈臺引袁準正論也

書二十五卷隋志十九卷千寶正言十卷雜家宋敬

則十代興亡論十卷魏晉至周隋聖曆中撰各職

注正則十代興亡論自明 盧藏用傳以俗徇陰

許王素節傳著忠孝

陽為析滯論以暢其方

徐彥伯傳武后時王公卿士以言語為酷吏所排彥

伯著樞機論以為世戒

唐大衍論

舊史僧一行尤明著述撰大衍論三卷改撰新曆推

周易大衍之數立衍以應之撰開元大衍曆經

唐君臣政理論

志儒家楊相如君臣政理論三卷崇文目同書目

開元十三年河南府陸渾主簿楊相如撰上中卷論

君臣之體下卷論治理之要 咸平五年十月十七

嘉靖壬午年

日幸龍圖閣觀五經圖賜宴次御資政殿觀楊相如
政要論即政理論 天聖四年閏五月學士宋綬錄
進 晉張昭撰唐朝君臣正論二十五卷上之

唐八卦論

唐書蘇晉數歲知為文作八卦論人謂後來王粲

魏志注文章序錄曰裴秀著易及樂論 裴頠著崇

有貴無二論以矯虛誕之弊 書目張說才命論一

卷假才命答問以叩窮達之理又隨句注釋

唐五代論

于休烈傳肅宗中興文物未全休烈獻五代論討著

舊事天子嘉之舊史云五代帝王論

宋朝韓丕著五代興亡論

唐戰論守論

杜牧傳作罪言原十六衛作戰論守論

唐福祿論

舊史孫思邈撰五卷

咸平資政論

咸平四年十二月乙卯工部侍郎致仕朱昂上資政
論三卷論時政賞罰得失且言天下至廣宜急於擇
才以張治具倘限以常牒則英俊無由升舉詔付史

館仍寫本留中會要實錄作資理 資理 論三卷凡六篇崇文日同

祥符製勤政論

咸平元元論

咸平四年十一月丁亥上御龍圖閣召輔臣觀太宗

御書移御崇和殿閱張去華所著元元論二萬餘言

民務穡為急 上命寫以縑素為一十國田圖上曰

養民之道稼穡為先興兵革粗息可以力行其事富

庶吾民矣去華雍熙中獻大政要錄三十篇祥符五

年泐漕臣上湖州進士許既濟所著四民論授本州

助教六月二十九日

論

景德聖德論

四年八月丁未直祕閣錢惟演上聖德論

天聖演聖通論

天聖五年十二月二十二日祕書監胡旦上七十二

卷駁正五經景祐元年七月壬辰又上續演聖通論

崇文日六胡旦演聖通論論六經傳注得失易十

六卷書七卷詩十卷禮記十六卷而春秋論別行傳

辨精詳學者宗焉

康定通志論

康定元年十二月十七日翰林學士王堯臣上祕書

萬曆丁亥年

監主未始而高刊

丞蔡亶一作通志論十二篇備言攻守之策如其可采乞於陝西緣邊任使詔知乾州

慶曆朋黨論

歐陽脩

至和兵民揔論

三年正月趙肅上十卷定州進士

范仲淹為四論以獻譏指時政仁宗頗以好名為非田况著論上之

紹興時政論

胡安國為時政論二十篇紹興二年七月乙丑安國

論

為給入對曰臣聞保國必先定計定計必先定都建

都擇地必先設險設險分土必先遵制制國以守必

先恤民行此有道必先立政立政有經必先核實然

顧人主志尚如何耳尚志所以立本也正心所以決

事也養氣所以制敵也宏度所以用人也寬隱所以

明德也具此五者帝王之能事備矣乞以覈實而上

十有五篇付宰相參酌施行安國又有制國論先是

建炎三年四月以給事中召安國未至先上中興策

十四篇 施昌言上政論三十篇

紹興十君論

嘉靖壬子年

卷之十二

三

監生李宗必刊 王汝卷之十一
紹興六年四月宋藻上所著十君論召對辛丑補迪
功郎

紹興中興統論

紹興十二年五月十七日辛亥給事中程克俊言漢
州布衣陳靖所獻中興統論其三始五要八實之說
深明治體論事之外自為文章詔補右迪功郎

紹興十六年吳澥進寡見論責實論各二卷謹始論
五卷九月六日詔免解二年閏四月二十四日林珣
進砥石論可采召赴都堂審察六年十月二十七日
王湛上負薪論循資八年二月二日吳武陵獻更化

論循資十六年三月二十六日徐存上鑑古十論免
解乾道六年正月十八日王信進十論除學官

紹興八朝聖孝通紀論 三朝正論

紹興十四年三月戊寅王鉉獻祖宗八朝聖孝通紀

論詔 遷一官 五年四月庚午曾紆上其父布所著

三朝 正論二卷詔付史館以布熙寧記市易本末及

紹聖 以來奏對要語集為正論

乾道恢復十論

乾道七年太常簿趙粹中進恢復機密十論併邊帥
招中原之人用奇以擣燕山又進制狄權鑑取書傳

制狄之說參考歷代事迹摠歸條例為十六門四十一卷又富彊要策十卷專論屯田

文心卷六龍自論語以前經無論字六韜二論後人追

題論六文師武論莊周齊物以論為名莊論子內篇齊不

章春秋六論昭列呂氏春秋六石渠論藝禮論四

戴聖白虎講象經蕭宗會諸儒講論五述聖通經論家

之正體也班彪王命嚴尤三將御覽引嚴尤

卷蘭石之才性異傳鍾會論才性同仲宣之去位志

論王集去夜之辯聲樂論見世說太初之本玄

夏侯玄著樂毅論張輔論之兩例平叔之二論隋志何

子道德子二卷又見世論以並師心獨見鐸穎精密益

論之英也李康運命陸機辨亡文選宋位郭象晉宋

揚論一卷郭象論夷甫裴頠頌頌崇有論王宗有

噴無二論並獨步當時派聲後代

序贊

序緒也緒述其事使相胤續贊明也稱人之美曰讚

漢新序

見著書類

漢劉向揚雄所序

見著書類

漢藝文志劉向所序六十七篇揚雄

所序三十八篇

唐志別集類向集五卷雄集五卷

書目雄集六卷

漢梁竦七序

傳幹王命叙見論類

梁竦傳明明自養以經籍為娛顯宗時著書數篇名

曰七序班固見而稱曰孔子著春秋而亂臣賊子懼

梁竦作七序而竊位素餐者慙文選注引傳幹後

漢王命叙

漢三輔耆舊節士序

名德先賢贊

隋志

後漢光武始詔南陽撰作風俗故沛三輔有耆

舊節士之序魯廬江有名德先賢之贊郡國之書由

此而作魯沛三輔序贊並云

圖志揚戲以延熹四

年著漢輔臣贊其所頌述多載于蜀書一既決

仲尚著前漢功臣序讚

漢河南尹壁贊

見救守類

京兆五守西漢難追河南二尹東漢

繼源邵陵王表云

漢太學贊

尚書未補刊

三卷卷六十二

五十三

見學校類

漢明帝畫讚

喜志雜傳類漢明帝畫讚五十六卷

舊志書讚五十六卷漢明帝撰

隋志摠集類書讀五卷漢明帝殿閣畫觀陳思王讚

梁五十卷

藝文類聚有曹

漢文帝時詔繪古帝王

名臣像於殿壁明帝好畫立書官詔班固賈逵輩取

經史事畫之起伏義凡五十七謂之畫贊徐陵曰甘

泉之殿舊禮義軒長樂之宮本圖堯舜

魏溫室畫像讚 百瑞圖

魏都賦丹青煥炳特有溫室儀形宇宙歷像賢聖圖

以百瑞粹以藻詠芒芒終古此焉則鏡有虞作繪茲

亦等競張載注鳴鶴堂之前次聽政殿之後東西二

坊之中央有溫室中有畫像讚景福殿賦命共工

使作績明五采之彰施圖象古昔以當箴規椒房之

列是準是儀故將廣智必先多聞立德必先近仁朝

觀夕覽何與書紳元軒交登騶虞承獻

晉三國名臣贊

見頌類 文苑英華嚴從有擬三國名臣讚序

文心雕龍昔虞舜之祀樂正重贊尚書大傳益贊于禹伊

陟贊于巫咸尚書漢置鴻臚以唱拜為讚相如屬詞

始讚荆軻文章錄起史班書記託贊褒貶景純注雅動植必讚隋志郭璞爾雅圖讚二卷翰林論曰容象圖而讚立宜使辭簡而義正

晉諸公讚

唐志雜史傳暢晉諸公讚二十二卷隋志二十二

卷晉祕書監傳暢撰魏志注文選注引之晉傳暢著晉諸公

贊及晉公卿禮秩故事見典故類

晉歷贊

晉書張亢宗領著作述歷贊一篇

兩晉名臣讚

贊

孫何作兩晉名臣贊宋詩二十篇春秋意尊儒教

七國叙讚

舊唐志十卷集錄

宋孔子讚

宋書元嘉十四年河西獻孔子讚一卷舊唐志四

科傳讚四卷姚滄撰

唐志孝圖傳讚

志傳記類李襲譽二十卷又見圖類

唐六賢圖讚

志李勣一卷李勣傳勣隱廬山撫古聯德高蹈

楚接輿老萊子黔婁先生於陵子王仲儒梁鴻六人
圖像讚其行因以自儆

祥符雙廟贊

睢陽祠張巡許遠號雙廟大層神號名協忠廟宣

聖東巡過其廟留駕裴回咨其雄挺著金石刻贊

厥忠與夷齊蹈而山孔子稱仁何以異唐文祥符

七年八月丁丑以聖製雙廟贊示輔臣先是景德四

年二月己巳次西京詔曰睢陽舊邑次舍所經漢將

軍紀信以身徇國宜贈大尉又贈司徒魯恭大師以

獎名臣戎子又增封唐大曆中孝子潘良王之墓

贊

大曆四年八月齊嵩撰雙廟記金石錄

經

黃帝陰符經

見陰陽書類

黃帝四經

漢志道家四篇隋志黃帝四篇老子二篇最得深

旨文記正義黃帝道書十卷

黃帝內經

漢志醫經黃帝內經十八卷外經三十七卷詳見後

黃帝九宮經

唐志一卷 又三卷

唐會要會昌二年王起等奏

黃帝九宮經及蕭吉五行大義

黃帝占夢經

漢志雜占十八家黃帝長柳占夢十一卷衆占非

而夢為大故周有其官而詩著明大人之占以考言

凶 史記正義帝王世紀云黃帝夢風吹塵垢皆去

又夢執千鈞之弩驅羊萬群依二占求之得風后於

海隅登以為相得力救於大澤進以為將黃帝凶著

占夢經十一卷

漢忠經

見孝經類

漢神異經

唐志道家東方朔二卷張華注

書目漢東方朔記

晉張華傳朔周游天下所見神異山海經所不載者

列之

唐感應經

書目三卷唐李淳風撰載物類相感為韻語而注釋

之

唐太一金鏡式經

監生李宗必刊 玉海卷六十二

志五行類王希明十卷開元中詔撰 舊史一行撰

天一太一經及太一局遁甲經各一卷

清化經

舊唐志儒家十卷蔡洪撰

玉海卷第六十二

經

玉海卷六十三

浚儀王應麟伯厚甫

藝文

藝術

漢志曰數術者明堂羲和史卜之職方技者生之具王官之一守也

周三兆 三夢 龜八命 四兆 占書

六龜 十龜 九筮 八筮 六夢

春官太卜 下大夫二人 掌三兆之灋 一曰玉兆 杜子春

顯瑛 二曰瓦兆 帝堯 三曰原兆 有周 經兆之體皆百

萬曆十六年

監生姚士瞻

有二十其頌皆千有二百兆者灼龜發於火其形可占者有象似玉瓦原之豐

鑄上古以來作其法原原田頌謂繇也疏近師皆以爲夏殷周易氏曰玉陽也下得陽數之奇其象

在上在左曰玉兆瓦陰也下得陰數之耦其象在下在右曰瓦兆原再也奇耦錯列再以其變推之曰原

兆三易之灋見易類三夢之灋言夢之所至一曰致夢夏后氏作

二曰觴夢讀如荷言夢之所得賤人作三曰成陟言夢之皆其經

運十其別九十每輝九變此術今亡以邦事作龜之八命一曰

征司農云征伐人康成云行巡守二曰象災變雲物有所三曰與

予人物四曰謀謀議也五曰果事成與不若楚司馬子魚下戰

六曰至謂至與不也七曰雨謂雨不也八曰瘳謂疾瘳不也

待著龜而決者有八定作以八命者贊三兆三易三

夢之占以觀國家之吉凶詔救政司農云以八事命

夔春秋傳曰筮襲於夢武王所用疏凡命龜辭大

夫以上有三命筮辭有二土命龜辭有二命筮辭一

卜師上士四人掌開龜之四兆一曰方兆二曰功

兆三曰義兆四曰弓兆開開出其占書也經兆白二

部若易之二篇書金滕曰開籥見凡卜辨龜之上下

左右陰陽授命龜者詔相之下人中士六人下士

十有六人唐六典太卜令雜龜之九類五色依四時

赤秋白冬黑龜人中士二人掌六龜之屬各有方

物屬言非天龜曰靈屬地龜曰繹屬東龜曰果屬西

龜曰蠹屬南龜曰獵屬北龜曰若屬各以其方之色

萬曆丁亥年

三子六

監生朱益傳刊

與其體辨之東方發生有果於必為之義凡取龜用

秋時攻龜用春時各以其物入于龜室注色謂天龜

玄地龜黃東龜青西龜白南龜赤北龜黑爾雅龜俯

者靈仰者繹前弁果後弁獵左倪雷右倪若是其體

也爾雅左倪不類即雷也右倪不若即若也東龜南龜長前後在陽象經

也西龜北龜長左右在陰象緯也天龜俯地龜仰東

龜前南龜卻西龜左北龜右各從其耦也疏龜有六

室六龜各入於一室易損卦六五或益之十朋之龜

鄭注引爾雅有十龜一曰神龜龜之最神明者在宮召者

二曰靈龜涪陵郡出大龜甲可以卜緣中文似瑋瑁

藝術

俗謂為靈龜即今大觜螭龜也與天龜靈屬一也一曰靈螭

能鳴也三曰攝龜小龜也腹甲曲折解能自張閉好

食地江東呼為陵龜也當周禮地與四方之義四曰寶

龜大寶龜也即遺我大寶龜黑緣公羊青純皆是也五曰文龜甲

有文采者河圖丹青文是也河圖云靈龜負書丹甲

青文六曰筮龜常在著叢下者七曰山龜八曰澤龜

九曰水龜十曰火龜山澤水火各言生出之所也火

龜猶火鼠也禮記正義同曲禮正義案白虎通稱三正

記天子龜一尺二寸諸侯一尺大夫八寸士六寸

少牢大夫立筮鄭云大著青長五尺推此而言天子九尺諸侯七尺士三尺筮氏下士二人共焦契歛焮

嘉靖丙辰年

契以授卜師。占人下士八人掌占龜以八筮占八

頌以八卦占筮之八故以眡吉凶。注謂將卜八事先

則用凡卜筮君占體大夫占色史占墨卜人占拆體

象也色兆氣也墨兆廣也拆兆覺也體筮人中士

二人掌三易以辨九筮之名曰巫更尤巫讀為筮巫比與

咸筮衆心巫式法制作巫目其事衆筮巫易所改巫比與

和巫祠與日巫參筮御巫環筮不可致凡國之大事先

筮而後卜。正義易伏義為之巫咸為撰占夢中士

二人掌其歲時觀天地之會辨陰陽之氣以日月星

辰占六夢之吉凶。一曰正夢無所二曰噩夢驚愕三

執術

曰思夢覺時四曰寤夢覺時道五曰喜夢喜悅六曰

懼夢恐懼季冬鳴王夢獻吉夢于王舍萌四方贈惡

夢。漢志昔帝長則占夢十一卷。其德十卷。隋志京

有占夢傳士。大禹謨帝曰官占惟先蔽志昆命于元龜。洪範七

稽疑擇建立卜筮人乃命卜筮龜曰卜大誥寧王

遺我大寶龜紹天即明命。洛誥惟洛食。詩爰始

爰謀爰契我龜宅是鎬京維龜正之。曲禮假爾泰

龜有常假爾泰筮有常卜筮不過三卜筮不相襲龜

為卜筮為筮者先聖王之所以使民信時日敬鬼神

嘉靖丙辰年

畏法令也使民決嫌疑定猶與也衛成昭兆 滅氏
蔡僕句 祭義易抱龜南面 左傳晉卜人曰筮短

龜長晉韓簡曰龜象也筮數也物生而後有象象而

後有滋滋而後有數 吳語正於陽卜注問卜內曰

陰外曰陽 夏官疏龜取生數一二三四五著取成

數六七八九十 曲禮疏劉向云龜之言久著之言

者龜千歲而靈著百年而神 白虎通龜之言久也

著之言著也 崔靈恩云凡卜筮天子皆用三代著

龜 班固典引曰經五繇之碩慮

周醫師

統制

天宮醫師掌醫之政令聚毒藥以共醫事凡邦之有

疾病者疠瘍者造焉則使醫分而治之歲終則稽其

醫事 疾醫掌養萬民之疾病以五味五穀五藥養

其病五藥草木 蟲石穀也以五氣五聲五色眡其死生兩之以

九竅之變參之以九藏之動凡民之有疾病者分而

治之又食醫瘍醫獸醫

呂氏春秋巫咸初作醫 世本說文同

帝王世紀黃

帝使岐伯嘗味草木定本草經造醫方 物理論夫

醫者非仁愛不可託非聰明理達不可任非廉潔淳

良不可信古之用醫必選名姓之後

晉龜經

隋志龜經一卷晉掌卜大夫史蘇撰

梁有十卷

崇

文目龜經三卷史蘇撰龜經一卷又三卷春秋龜策

經一卷龜經要略一卷

南史柳世隆著龜經祕要

二卷

張衡傳注龜經有棲鶴兆

晉文公遇黃帝戰于阪泉之兆

漢文帝兆得大橫

梁后兆得壽房

漢著龜十五家

著書

甄文志龜書五十二卷夏龜二十六卷南龜書二十

八卷巨龜三十六卷雜龜十六卷著書二十八卷周

甄術

易三十八卷周易明堂二十六卷周易隨曲射匿五

十卷大筮衍易二十八卷大次雜易三十卷鼠序卜

黃二十五卷於陵欽易吉凶二十三卷任良易旗七

十一卷易卦八具右著龜十五家一百四卷著龜者

聖人之所用也書曰汝則有大疑謀及卜筮易曰天

下之吉凶莫善於著龜及至衰世解於齊戒而屢煩

卜筮神明不應故筮瀆不告易以為忌龜厭不告詩

以為刺

易繫辭著之德圓而神說卦幽贊神明而生著注

受命如響不知所以然而然說文著生千歲三百

莖易以為數。天子九尺。魏管輅云：靈著者二儀之明數，陰陽之幽契。

漢數術六種

志自泰壹雜子星至圖書祕記為天文二十一家。文天

者序二十八宿步五星日月以紀吉凶之象。聖人所以參政也。易曰：觀乎天文以察時變。自黃帝

五家歷至杜忠筭術為歷譜十八家。歷譜者序四時之位，正分至之

節會日月五星之辰。以考寒暑殺生之實。自泰一陰陽至五音定名為五

行三十一家。五行者五常之形氣也。自龜書至易卦八具為著

龜十五家。見上。自黃帝長柳占夢十一卷至種樹滅

果相蠶十三卷為雜占十八家。三百一十三卷。雜占者紀

百事之象，候善惡之徵。易曰：占事知來。自山海經至相六擾為形法六

家百二十二卷。形法者大舉九州之勢，以立城郭室

形容以求其聲。凡數術百九十八家，二千五百二十八

卷。數術者皆明堂義和史卜之職也。春秋時魯有梓

慎，鄭有裨竈，晉有卜偃，宋有子韋，六國時楚有甘公

魏有石申夫，漢有唐都，庶得麤狃，蓋有因而成易，無

因而成難，故因舊書以序數術為六種。

漢方技四種

志自黃帝內經十八卷。至旁篇為醫經七家。醫經者原

絡骨髓陰陽表裏而用度箴石。湯火所施，調百藥齊和之所宜。自十二病方至神農

萬曆丁亥年。監生朱益雋刊。

黃帝食禁為經方十一家

經方者本草石之寒溫量疾病之淺深假藥味之滋

因氣感之宜辨五苦六辛致水火之齊以通閉解結反之於平

自容成陰道至三家

方為房中八家

房中者情性之極至道之際是以聖王制外樂以禁內情而為之節文

自宓戲雜子道至泰壹雜子黃治為神僊十家

神僊者所

以保性命之真而游求於其外者也凡方技三十六家八百六十八卷

方技者皆王官之一守也太古有岐伯俞拊中世有

扁鵲秦和蓋論病以及國原診以知政漢興有倉公

今其技術晦昧故論其書以序方技為四種

禮疾醫注治合之齊存乎神農子儀之術察其盈虛

休王吉凶可知審用此者莫若扁鵲倉公參兩變動

執術

能專是者其唯秦和乎岐伯榆拊兼彼數術疏案劉

向云扁鵲使子儀脉神又中經簿云子義本草經一

卷儀與義一人也子義亦周末時人張仲景金匱云

神農能嘗百藥史記秦越人傳長桑君禁方書淳

于意受陽慶禁方定可治及藥論甚精詔問太倉長

臣意方技所長有其書無有安受學公孫光善為古

傳方

黃帝內經 黃帝九經 八十一難經

漢志醫經七家二百一十六卷黃帝內經十八卷外

經三十七卷扁鵲內經九卷外經十二卷白氏內經

萬曆丁亥年

監生朱光益馬州

三十八卷外經三十六卷旁篇二十五卷

隋志黃

帝甲乙經十卷

音一卷梁十二卷唐志十二卷

八十一難二卷素

問九卷

唐志黃帝明堂經三卷楊玄注黃帝內經

明堂十三卷秦越人黃帝八十一難經二卷

王勃序曰八十一

一難經醫經之秘錄也岐伯授黃帝黃帝歷九師以授伊尹伊尹授湯湯歷六師以授太公太公授文王

文王歷九師以授醫和醫和歷六師以授華佗華佗歷六師以授黃公黃公以全元起注黃帝素問九卷王冰注素

受曹夫子元

問二十四卷釋文一卷

水號啓元子

黃帝內經太素三十

卷

書目太素經三卷內經者黃帝藏之靈蘭而天

晉皇甫謐傳曰

黃帝創制於九經漢淳于意師公乘陽慶傳黃帝扁鵲脈書上下經

中興書目黃帝

內經素

十四卷王冰注八卷

全元起注序云素

岐伯也

岐伯上窮天紀下極地理遠取諸

黃帝坐明堂之上其岐伯上窮天紀下極地理遠取諸

物近取諸身更相問難雷公之倫授素傳之而內經

作矣秦和述六氣之論越人演述難經倉公傳其舊

學仲景撰其遺論晉皇甫謐刺為甲乙隋楊上善纂

為太素唐王冰篤好之為次注班固曰內經十八卷

素問即其經之九卷兼靈樞九卷第七一卷師氏藏

之今唯行八卷皇甫謐甲乙經序云七夏藝文志

內經十八卷今有鍼經九卷素問九卷即內經也張

萬曆

五

未年刊
仲景云撰用素問則素問之名雖著於隋志而已見於漢代隋全元起注已亡第七卷唐寶應初王冰自謂舊藏之卷凡八十一篇析為二十四卷而注之皇朝林億等校正孫兆重改誤億以六元紀大論等七篇所載藥素問各不相通疑是陰陽大論之文冰取以補所亡云

黃帝靈樞經

書曰黃帝靈樞經九卷黃帝岐伯雷公少俞伯高各問之語隋楊上善序凡八十一篇鍼經九卷大氏同亦八十一篇鍼經以九鍼十二原為首靈樞以精氣

為首又間有詳畧王冰以鍼經為靈樞故席延賞云靈樞之名時最後出

漢六緯 河洛七緯 內學

李尋傳五經六緯注孟康曰六緯五經與樂緯也後

樊英傳善風角星筭河洛七緯注七緯者易緯稽覽

圖乾鑿度坤靈圖通卦驗是類謀辨終備也書緯璇

璣鈴考靈曜刑德放帝命驗運期授也詩諱推度災

汜歷樞動聲春秋緯也

演孔圖元命包文耀鉤運斗樞感精符合誠圖考異

郵保乾圖漢含華佑助期握誠圖潛潭巴說題辭也

隨志自河圖至孝經內事十三部九十二卷通計
 六書合三十二部三百二十二卷其書出於前漢河圖九
 篇洛書六篇云自黃帝至周文王所受本文又別有三十
 篇云自初起至于孔子九聖之所增演以廣其意又
 有七經緯三十六篇並云孔子所作并前合為八十
 一篇光武以圖讖興遂盛行於世宋大明中始禁圖
 讖隋煬帝又焚之自是無復其學祕府亦多散亡魏元
 太和九年正月今錄其見存者以備異說河圖二十
 卷梁河圖洛書二卷河圖龍文一卷易諱八卷鄭玄注
 尚書緯三卷梁三卷中候五卷梁八卷今殘詩緯
 卷九

十八卷魏博上宋均注禮緯三卷鄭玄注禮記默房二卷

宋均注樂緯三卷宋均注春秋災異十五卷郝萌撰

有春秋緯三十卷宋均注春秋內事四卷包命二卷

祕事十一卷書易詩孝經春秋河洛緯祕要一卷五

帝鈞命決一卷孝經鈞命決六卷孝經援神契七卷均注

孝經內事一卷梁有孝經雜緯十卷宋均注孝經內

事星宿講堂七十二弟子圖一卷論唐志織緯自

宋均注易緯至鄭玄注詩緯二家九部八十四卷均注

易詩禮樂春秋論語孝經緯玄注詩緯文心雕龍正

書緯中興書目讖緯五家十三卷

緯曰按經驗緯其偽有四八十一篇皆託於孔子或
 說陰陽或序災異若鳥鳴似語蟲葉成字通儒謂為

高曆一亥千

五主宋光四信同刊

起哀平張衡云至光武篤信斯術學者比肩沛獻集緯

以通經沛王通論曹褒撰識以定禮是以桓譚疾其虛偽

譚上人疏巧慧小才伎尹敏戲其深瑕敏曰識書非聖人所作頗類世

辭之張衡發其僻謬衡以圖緯虛妄非聖人之作荀悅明

其詭誕申鑒俗嫌弟三世稱緯書仲尼之作列傳

邳鄆上書王莽曰漢歷久長孔為赤制莽以邳據經

識難即害之蘇竟善圖緯孔丘祕經為漢赤制

朱浮講圖識張純以建辟雍案七經識注謂書禮

樂易春秋及論語也尹敏世祖以敏博通經記令

校圖識儒林景鸞受河洛圖緯儒林薛漢建武

執術

初為博士受詔校定圖識儒林曹褒次序禮事依

準舊典雜以五經識記之文樊儵以識記正五經

異說韓說善圖緯之學鄭玄通京氏易馬融集諸

生考論圖緯聞玄善筭乃名見玄曰時親祕書緯術

之奧注中候賈逵摘識互異三十餘事張衡集

上事云河洛五九六藝四九謂八十一篇也注楊

厚引見問以圖識翟圃善圖緯天文歷筭著授神

鈞命解詁十二篇孝經緯趙典學孔子七經河圖

洛書內外藝術靡不貫綜注劉瑜充善圖識天文

歷筭之術徐穉兼綜星官筭歷河圖七緯注申

萬曆丁亥年 監生朱光祖刊

屠蟠明圖緯

李固明河圖圖識緯注

任安從楊厚

學圖識究極其術儒林

法真博通內外圖典逸民

方術傳序緯候之部

注七經緯尚書中候

光武尤信識言王

梁孫咸名應圖錄越登槐鼎之任鄭興賈逵以附同

稱顯桓譚尹敏以乖忤淪敗自是習為內學尚奇文

貴異數注內學謂圖識之書其事秘密故稱內李

邵善河洛風星公沙穆銳思河洛推步之術祭

祀志封禪文曰達武元年以前舊典不具不能明經

文以章句細微相況八十一卷其十卷皆不昭晷

禮記郊特牲注易說疏曰易說者鄭引易緯也凡鄭

術

云說者皆緯候也鄭志張逸問禮注曰書說何書也

答曰尚書緯也嫌引秘書所牽圖識皆謂之說禮

器注孝經說曰云云月令注易及樂春秋說云云

禮大司樂注孝經說曰祭天南郊就陽位疏說即

緯也時禁緯故云說馮相氏注樂說云云孝經說

曰云云巾車注禮家說曰云云宋志孔子告篇

二天曰孝經四卷春秋河洛凡八十一卷蓋已備文

云握河括地錄文赤字之書孔廟銘曰刪定六藝

象與天談鈎河摘雒却揆未然

漢緯表祕記

見天文 楊春卿戒子統曰吾緇裘中有先祖所傳
祕記其修之
淮南有枕中鴻寶苑祕書劉德得其書更生幼而讀
誦以為奇

魏武四時食制

文選海賦注引魏武四時食制 唐志趙武四時食
法一卷諸葛穎淮南王食經一百三十卷

晉青囊書 洞林

郭璞傳妙於陰陽筭曆有郭公者客居河東精於卜
筮從之受業公以青囊中書九卷與之曰是書有

文五行十筮之術攘災轉福通致無方雖可及也

輟不能過也璞門人趙載嘗竊青囊書未及讀而為

火所焚璞撰前後筮驗六十餘事名為洞林隋志三

梁元帝洞林三卷又抄京費諸家要最更

新林十篇上韻一篇注釋爾雅別為音義圖譜又注

三蒼方言程天子傳山海經及楚辭子虛上林賦數

十萬言皆傳於世璞精務敏唐志五行類郭

璞周易洞林解三卷 隋志新林四卷又九卷

林五易斗圖一卷郭璞撰璞集十

唐志五行類馬雄給囊經一卷兵書有青囊者

梁真誥

唐志道家十卷陶弘景撰登真隱訣二十五卷弘景撰書目真誥十卷陶弘景撰載揚權許長史口授仙真修鍊等術道書神仙修真祕訣十二卷題顧隱子撰

唐本草圖

志神農本草三卷雷公集撰四卷隋志四卷吳普本草四卷六卷辨飛李氏三卷原平仲靈秀本草圖六卷穀子嚴音義二卷病源合藥節度五卷要術三卷要妙五卷名醫別錄三卷陶弘景集注七卷隋志本草

卷太清草木方集要三卷顯慶四年司空英公李勣

太尉長孫無忌兼侍中辛茂將弘文館學士許敬宗

禮部郎中孔志約尚藥奉御許孝崇胡子蒙蔣季璋

蘭復珪許弘直兼孝儉蔣季瑜吳嗣宗蔣義方蔣季

琬許弘蔣茂昌以上並太常丞呂才賈文通太史令

李淳風潞王府參軍吳師哲禮部主事顧仁楚右監

門長史蘇敬等合二十撰本草二十卷目錄一卷藥

圖二十卷圖經七卷會要顯慶二年右監門長史

蘇敬言陶弘景本草事多舛謬請加刪補四年正月

十七日撰成并圖五十卷詔藏祕府于志寧傳初

嘉靖丙辰年

志寧與司空李勣修定本草并圖合五十四篇。帝曰：本草尚矣，今復修之，何所異耶？對曰：昔陶弘景以神農經合雜家別錄注之，江南偏方，不周曉藥石，往往紕繆四百餘物，今考正之，又增後世所用百餘物，此以爲異。帝曰：本草別錄何爲而二？對曰：班固記黃帝內外經，不載本草，至齊七錄乃稱之，世謂神農氏嘗藥以拯含氣，而黃帝以前文字不傳，以識相付。至桐雷乃載篇冊，然所載郡縣多是漢時，疑張仲景華佗所記，其別錄者，魏晉以來，吳普、李當之所記，其言華葉形色，佐使相須，附經爲說，故弘景合而錄之。帝曰：善。

執術

其書遂行，或云五十二卷。

六典注 凡藥八百五十

種三百六十，神農本經一百八十二，名醫別錄一百

一十四，新修本草新附一百九十四，有名無用志

孔志約音義二十卷。隋志有姚最蘇敬新修二十一

卷，又新脩圖二十六卷，音三卷，圖經七卷，甄立言作

權音義七卷，藥性三卷。會要甄立撰音義七卷孟詵

食療三卷，王方慶新本草四十一卷，又藥性要訣五

卷，李含光音義二卷，陳藏器拾遺十卷。開元中鄭虔

胡本草七卷，藝術類貞觀尚方令王定畫本草訓誠

圖，隋志神農本草八卷。帝王世紀黃帝使岐伯嘗味草木定本草經造醫方

嘉靖丙辰年

梁有五卷屬物二卷神農明堂圖一卷蔡邕本草七卷陶隱居十卷秦承祖六卷王季璞本草經三卷李誦之本草經經鈔各一卷趙贇經一卷甄氏三卷李氏撰
中興書目本草圖經二十卷漢書藝文志不著錄平帝紀元始五年正月舉天下通知方術本草者郊祀志成帝初有本草待詔樓護傳少誦醫經本草方術數十萬言本草之名蓋見於此梁七錄載神農三卷陶隱居序云疑仲景元化等所記今以本經三品藥三百六十五種名醫副品亦三百六十五凡

藝術

七百三十種合為七卷唐顯慶中李勣等刊定增一百十四種廣為二十卷舊經三卷藥三百六十五種弘景進名醫別錄為之注釋十分為七卷李勣等參考增一百十四種凡八百味廣為二十卷世謂唐本草復有圖經載形色釋同異而明皇御製又有天寶單方藥圖今存一卷蜀孟昶命韓保昇等以唐本圖經參比世謂蜀本草
開寶中詔盧多遜等重注嘉祐二年掌禹錫等再加校正後蜀張文懿撰本草括要詩三卷熙寧中崔源辨誤一卷鄭樵外類五卷成書二十五卷文選養生論注引天老養生經曰神農本

草名醫別錄經方小品養生要又引本草曰上藥一百二十種為君主養命以應天中藥一百二十種為臣主養性以應人謝靈運山居賦本草所載山澤不一雷桐是別和緩是悉參核六根五華九實二冬並稱而殊性三建異形而同出 唐孔志約本草序岐和彭緩騰絕軌於前李華張吳振英聲於後桐雷衆記唐志桐君藥錄三卷雷公藥對二卷漢司馬相如傳注郭璞曰藥對曰云云周禮疏見上 岐黃彭扁抑揚輔導至于桐雷乃著編簡

唐開元廣濟方 貞元集要廣利方

志玄宗開元廣濟方五卷德宗貞元集要廣利方五

藝術

卷崇文

舊紀開元十一年九月己巳頒上所撰廣

濟方于天下令諸州置醫博士一人實錄七天寶五

載八月癸未詔廣濟方令郡縣長吏選其要者錄于

大板以示坊村貞元十二年二月十三日上製

貞元廣利方頒于天下摠六十三種五百八十六首

親製序散題于天下通衢

李吉甫傳為淮南節度使帝為御通化門祖道賜御

餌禁方 孫思邈千金方三十卷攝生真錄一卷

唐外臺祕要

志王燾外臺祕要方四十卷又外臺要略十卷 王

甲乙經終於四海類聚單要方五行二百七十二部
合一千一十二卷始於黃帝飛鳥曆終於相馬經

崇文目醫書六十五部一百三十卷

唐太宗武德九年九月壬子詔龜易五兆之外禁雜
占十

唐歷代名醫錄

書目七卷唐甘伯宗撰自伏羲至唐凡一百二十人

唐志名醫傳
崇文目同

唐投壺經

唐志郝冲虞譚法投壺經一卷上官儀投壺經一卷

藝文

晁氏志唐上官儀奉敕刪定史玄道續注采周顥

郝同梁簡文數家書為之唐志有其目司馬光投壺

新格一卷舊格多取奇中者以為僥倖因盡改之

開寶重定本草 嘉祐紹興校定本草圖

開寶中命醫工劉翰道士馬志等詳定附益一百三

十三種學士多遜昉蒙刊定之六年四月癸丑知制

誥王祐等上之二十卷 凡神農所說以白字別之

卷一御製序合九百八十三卷 頌 天下 嘉祐二年八月辛酉

詔掌禹錫林億蘇頌張洞等再校正既而補注成書

奏御又詔天下郡縣圖上所產藥以頌刻意是書俾

嘉祐丙辰年 監生陸經刊

專撰述總二十卷。圖經二十卷。目錄各一卷。頌為之序。曰：主上至仁厚德，函養生類，屢敕近臣，讎校岐黃內經，重定鍼灸俞穴，或範金揭石，或鏤板聯編，作慶曆善救方，以賜南方，作簡要濟衆方，以示下民。今復廣藥譜之未備，圖地產之所宜，納斯民於壽康，名和氣於穹壤。六年九月，集賢校理蘇頌上之。總新舊一千八十二條。新補八十有二種，新定十有七種，合一千七十六種。紹興二十七年八月十五日，王繼先上校定大觀證類本草三十二卷，釋音一卷，詔祕省修潤付胄監鏤板行之。大觀經史證類本草，唐慎微撰。

藝術

太平聖惠方

太宗留意醫術，自潜邸得妙方千餘首。太平興國三年，詔醫官院獻經驗方，合萬餘首，集為太平聖惠方百卷。凡千六百七十門，萬六千八百三十四首，并序論總目錄，每部以隋巢元方病源候論冠其首。凡諸論證品藥功效悉載之。目錄一卷。御製序淳化三年

二月癸未，賜宰相李昉參政黃中沆樞臣仲舒準，出

五部。五月己亥，頒天下諸州置醫博士掌之。書曰：首

中王懷隱等承詔撰慶曆四年正月賜德順軍

雍熙神醫普效方

太平興國六年十月丙戌詔賈黃中等於崇文院編錄醫書雍熙三年十月纂成千卷目錄十卷名神醫

普效方御製序長編四年上

趙自化以醫術稱獻所撰四時養願錄真宗改名調膳攝生圖仍為製序又續自古以方技至貴仕者為名醫顯秩傳三卷

天聖校定內經素問

天聖四年十月十二日乙酉命集賢校理晁宗慤王舉正校定黃帝內經素問難經巢氏病源候論唐卷五十五年四月乙未令國子監摹印放行詔學士宋

藝術

綬撰病源序景祐二年七月庚子命丁度等校正素問嘉祐二年八月辛酉置校正醫書局于編脩院命掌禹錫等五人從韓琦之言也琦言靈樞太素甲乙經廣濟千金外臺祕要方之類多訛舛本草編載尚有所亡於是選官校正政和八年四月二十四日詔刊正內經重和元年十一月十五日詔以內經考其常以天元玉冊極其變

景德龍圖閣醫書一千三百二十六卷崇文目六十

五部一百三十卷國史志扁鵲鍼傳一卷許希請

廟築于城西隅因立太醫局其旁希著神應鍼經要訣

嘉祐內辰年

監生陸聖

天聖鍼經

五年十月壬辰醫官院上所鑄膺穴銅人式二詔一
置醫官院一置大相國寺仁濟殿先是上以鍼砭之
法傳述不同命尚藥奉御王惟一考明堂氣穴經絡
之會鑄銅人式又纂集舊聞訂正訛繆為銅人膺穴
針灸圖經三卷至是上之摹印頒行翰林學士夏竦
序曰聖人有天下論病以及國原診以知政王澤不
流則姦生於下故辨淑慝以制治真氣不榮則疾動
於體故謹醫砭以救民昔聖祖之間岐伯以為善言
天必有驗於人上下有紀左右有象督任有會膺合

藝術

有數盡書其言藏於金蘭之室洎雷公請問其道乃
坐明堂以授之後世言明堂者以此針艾之法舊列
王官之守思革其謬王惟一授禁方精厲石定偃側
於人形正方寸於膺慕總會諸說勒成三篇又以傳
心豈如會目著辭不如按形復鑄銅人為式內分臟腑
旁注谿谷竅而達中刻題于側將使多瘠咸詔巨刺
靡差案說蠲病若對談於涪水涪翁著針經脉法披圖洞視
如舊飲於上池張氏示君以禁方傳扁保我黎丞介乎
壽考昔夏后叙六極以辨疾帝炎問百藥以惠人當
遜德歸功矣序以天聖四年歲次七年閏二月乙未
嘉靖丙辰年

嘉靖丙辰年

正每

八月丙申上

七年閏二月乙未

監生陸聖刊

賜諸州。元祐八年高麗所獻書有黃帝鍼經正月
庚子秘書監王欽臣請宣布俾學者誦習

隋志黃帝鍼經九卷梁有黃帝針灸經十二卷唐

志皇甫謐黃帝三部鍼經十二卷即經黃帝雜注鍼

經一卷玉匱鍼經十二卷甄權脉經一卷鍼經鈔三

卷鍼方一卷明堂人形圖一卷**崇文目**黃帝鍼經

一卷

慶曆善救方 皇祐簡要濟衆方

慶曆八年二月癸酉以南方病毒者乏方藥為頒善
救方又嘗出通天筆命太醫和藥賜疫者 皇祐三

藝術

年集簡要濟衆方五卷頒行標脉證叙病源去諸家之

浮冗 **國史志**慶曆善救方一卷八年頒行皇祐

簡要濟衆方一云廣濟五卷皇祐中仁宗謂輔臣曰外無善

醫其令太醫簡聖惠方之要者頒下諸道仍敕長史

拯濟令醫官使周應編三年頒行紀三年五月巳亥

劑救民疾開寶脩本草興國中纂聖惠方皇祐擇取精

者為簡要濟衆方嘉祐間命掌禹錫等校正醫書置

局編脩院後徙太學十餘年補注本草修圖經而外

臺祕要千金方翼金匱要畧悉從摹印天下皆知學

古方書

天禧二年八月丁未內出鄭景岫四時攝生論陳堯叟所集方一卷示輔臣上作序紀其事命有司刊板賜廣南官仍分給天下

宋朝七元圖

書目一卷王欽若圖北斗及諸經符呪之法真宗御製序

陳搏著指元論八十一章言導養及還丹之事王溥著八十一章以箋其指

天禧雲笈七籤

書目一百二十卷天禧中張君房以道藏經書浩博

藝術

乃為類例載其旨要

熙寧太醫局

熙寧九年五月癸亥命許將熊本提舉太醫局不隸

奉常

提舉一員判局二員每科置教授一員學生以春試補三百人為額歲終較功過為三等

大

觀中陳師文等校正和劑局方五卷二百九十七道

二十一門 紹興二年四月定醫官為八十五員禮

部請止以四十三員為額六年正月四日置藥局四

所其一曰和劑局十八年閏八月二十三日改熟藥

所為太平惠民局二十一年十二月十七日以監本

藥方頒諸路

萬曆丁亥年

三母六六二

七

監生華師甫刊

上海卷六十三

三十四

胡宗三百三十三

周天官醫師漢太醫令唐醫學

政和聖濟經

書目聖濟經十卷政和中御製并序體真原化慈幼
達道正紀食願守機衛生藥理審劑凡十篇陰陽適
平精神內守而次凡四十二章一本云政和八年五月
八月壬辰頒御製聖濟經以廣黃帝之傳其篇五十其
章四十有二

唐志梁武帝坐右方十卷神農嘗草岐伯品藥

玉海卷第六十三

藝術

